

in responsione ad *Pucc. p. 256. R.* Diversa est in locis citatis phrasos emphasis. *Rom. 11, 11.* ait Paulus ἵνα ὁ ἁμαρτωλὸς. *Rom. 5. 12.* non ait ἡ ἁμαρτία, sed ἀπὸ τῆς ἁμαρτίας ut ibi occasio, hic verò causa innuatur, quam harmonia biblica confirmat.

IN LOCO  
DE PECCATO ORIGINALI.  
THEOREMATA.

1. **I**N præcedentibus indicatum est, quotupliciter sumatur peccatum originale. De primo sensu in præmissis egimus, de posteriori in sequentibus agendum est.

2. Etsi verò multi inveniantur, qui tale peccatum originis negent, non tamen desunt firmissima argumenta, quibus corruptio naturæ, sive peccatum originale, demonstratur. Ista verò suppeditant, 1. dicta Scripturæ, *Gen. 5, 3, cap. 6. v. 5. Psal. 14, 2. 3. Psalm. 19, 13. Psal. 51, 7. Matth. 7, 18. cap. 12, 34. cap. 15, 19. Joh. 3. 5. Rom. 5, 14. Eph. 2. 5.* 2. Rationes ab analogia fidei petitæ. Nam (1) Circumcisio non obscure indicavit naturalem corruptionem, utpote in eum finem instituta, ut masculi purgarentur à peccato: ideoq; in eo membro peracta est, in quo peccati effectus ostenditur, & per quod genus humanum carnaliter propagatur. 2. Baptismi oblatio itidem id innuit, his enim qui peccatum habent, confertur Baptismus, & quidem in remissionem peccatorum, *Act. 2, 38.* Est lavacrum regenerationis, *Tit. 3, 5.* abluens sordes non carnis, sed conscientiæ, *1. Pet. 3, 21. &c.* (3.) Concupiscentia in renatis residua pariter hoc evincit. Hi quamvis vitent delicta voluntaria, tamen conqueri coguntur, quod peccatum in illis habitet, *Rom. 7, 17. 20.* hoc est, non transeat, sed fixam in carne sedem inveniat. Hoc præter actuale aliud sit necesse est, nimirum Originale, ipsi naturæ firmissimè infixum. Nititur ergo illa distinctio illis locis, ubi carnis & operum radicis, & germinis arboris & fructuum fit mentio.

3. Est verò peccatum originale imaginis divinæ & justitiæ originalis spoliatio, & omnium virium animæ & corporis miserabilis depravatio, infirmitas & prava inclinatio, è lapsu protoplastorum orta, & ab illis in omnes posteros, per carnalem generationem pro-